

երկխաները հոյ էին աղերսում:

— Ահա երկու քոյրեր, վտիտ, տանջւած դէմքերով, պատա-
ռատուն զգեստներով, երկու անմեղ հոգիներ, մէկը հիւանդ պառ-
կած էր անկողնում, իսկ միւսը լալիս էր:

Անցնում եմ փողոցով, ահա պատերի առաջ նստած են քաղ-
ցի ճիրաններում գալարող ծերունիներ, որոնք ձեր զուլները
քաշ են գցել և խորասուզել ծանր խոհերի մէջ. պատկերը խիստ
ցնցող է. աշխատում եմ խօսել, սիրտ տալ նրանց, սխուր են բո-
լորը և ընկճւած: Նրանցից մինը վշտոտ սօճով պատմում է ինձ
կատարած հարստահարութիւնների մասին:

Եւ ես խելագարի նման թափառում եմ այտեղ ու այնտեղ.
մտնում եմ տները, անցնում փողոցով, ամեն տեղ նոյն սոսկալի
տեսարանը, նոյն սրտաճմլիկ պատկերը:

— Մի հարս ամօթխածութեամբ պատմում էր ինձ:

— Եղբայր, մի ամիս է փորս հացի երես չի տեսել և նա իր
չրթունքները սեղմելով, հազիւ կարողացաւ զսպել իր արտասուքը:

Ուշ երեկոյ էր. ես անցայ գիւղից դէպի կանաչ արտերը:
Ինձ պատահեց մի գիւղացի՝ մօտ 50 տարեկան, յոգնած ու կնճոտ
դէմքով. նա վերագոռնում էր սարից:

— Բարև եղբայր, ինչպէս է այս տարւայ ձեր գրութիւնը,
հարցրի ես:

— Մի հարցներ եղբայր ջան, վատ է, շատ վատ. աւագակները
մեր օջախը քանդեցին, անասուններս տարան, չորս զոյգ եղ ունէի,
որ տանս հացը տալիս էին, այն էլ խլեցին ինձանից. վերջին խօս-
քերի միջոցին ես նկատեցի, շինականի աչքերը լցւեցին և արտա-
սուքի երկու կաթիլներ, երկու խոշոր և ծանր կաթիլներ զլորե-
ցին նրա կնճոտ դէմքի վրայ և նա լացով հռուսացաւ ինձանից:

Բ. Վ Ե Ր Ի Ն - Ք Ր Դ Ե Ր

Դօվլաթաբադից քառօրդ Փաշախ հեռու, գէպի արև-
մուտք, բարձրանում են վիթխարի, ժայռոտ լեռնաշղթաներ,
կանաչագորգ, կերտուն կաթարներով, որոնք իրենց հրաշալի
տեսքով ներկայացնում են այնպիսի մի հետաքրքիր պատ-
կեր, որ հեռուից իրենց վրայ են գրաւում իւրաքանչիւր ճա-
նապարհորդի հայեացքը: